

POTPISANI UGOVORI O STIPENDIRANJU STUDENATA

Autor gorazde.ba
četvrtak, 14 Juni 2018 11:24



U Velikoj sali Gradske uprave Goražde danas je upriličeno potpisivanje ugovora o stipendiranju studenata za stipendije koje dodjeljuje Grad Goražde za školsku 2017/2018 godinu. Ugovore u ime Grada Goražde sa korisnicima potpisao je gradonačelnik Goražda dr. sci. Muhamed Ramović.

U ovoj školskoj 2017. / 2018. godini ukupno je podjeljeno 30 stipendija zajedno sa fondacijom Hastor. Gradska uprava dodjelila je 20 a Fondacija Hastor 10 stipendija. Mjesečni iznos stipendije koja se dodjeljuje na period od 8 mjeseci iznosi po 150 i 200 KM ovisno o fakultetu. Za stipendije studenata u Budžetu Grada za 2018. Godinu izdvojeno je oko 50.000, 00 KM.



Gradonačelnik dr. sci. Muhamed Ramović kazao je da Grad Goražde stipendira deficitarne kadrove:” U Budžetu za 2018. godinu Grad Goražde predvidio je 50.000, 00 KM za stipendiranje naših studenata. Mi smo imali ranije potpisivanje ugovora sa onim studentima koji su već upisali studentsku godinu i stekli su uslove, automatski kada upišu slijedeću godinu ako nema prekida imat će svoje stipendije. Danas potpisujemo ugovore sa deset novih stipendista. Malo i kasnimo, čekali smo da Vlada kantona završi sa svojim konkursom, da ne bi duplali.

POTPISANI UGOVORI O STIPENDIRANJU STUDENATA

Autor gorazde.ba
četvrtak, 14 Juni 2018 11:24

Ukupno zajedno sa fondacijom Hastor stipendirat ćemo 30 studenata sa područja Grada Goražda. Uglavnom to je deficitaran kadar. Ovo je dobra praksa i dobro je da možemo pomoći i to je dobro za budućnost Grada.”

Aldina Omerhodžić studentica prve godine Medicinskog fakulteta Univerzitet u Sarajevu:” Prva sam godina i prvi put sam korisnik stipendije Grada Goražde. Stipendija mi znači s obzirom da su veliki troškovi. Zahvaljujem se Gradonačelniku ovo je veliki podstrek za nas.”

